

UGOVOR O PRUŽANJU USLUGA PROTUPROVALNOG OBEZBJEĐENJA
ugovor broj: 9761/2013

Zaključen u Sarajevu dana 01.12.2013. god.

Ovaj ugovor o pružanju usluga protuprovalnog obezbjeđenja (u daljem tekstu "Ugovor") je zaključen između:

NARUČITELJ USLUGA:

JAVNA USTANOVA SREDNJA EKONOMSKA ŠKOLA SARAJEVO
Ul: Zmaja od Bosne 39
ID: 4200682720003
koju zastupa prof. Avdija Serdarević, direktor

DAVATELJ USLUGA:

Agencija za zaštitu ljudi i imovine Securitas d.o.o. Mostar
Ul: Blagaj bb, 88000 Mostar
ID: 4227417480004
koju zastupa Valdin Jažić, izvršni direktor

PREDMET UGOVORA

Član 1.

Predmet ugovora je:

1.1 Protuprovalno obezbjeđenje objekta naručitelja, koje obuhvata:

- Pripremljenost nadzornog centra davatelja usluga za prijem i detekciju alarmnog signala putem telefonske analogne linije (PSTN) od strane alarmnog sistema naručitelja;
- Spremnost mobilne interventne ekipe da reaguje po uputama dežurnog u nadzornom centru u momentu prijema i detekcije alarmnog signala putem PSTN.

Protuprovalno obezbjeđenje objekta/objekata izvodi se u vremenu kada je alarmni sistem uključen od strane naručitelja ili drugih korisnika kojima naručitelj daje ovlaštenja i pristupne šifre.

Pod alarmnim sistemom podrazumijeva se oprema za tehničku zaštitu instalirana na objektu naručitelja od strane certificiranih tehničara (u skladu sa Zakonom).

Alarmni sistem ne podrazumijeva telefonsku liniju naručitelja (za čije održavanje, funkcionalnost i ispravnost odgovara naručitelj).

Po dojavi operativnog radnika iz centralnog nadzornog sistema Agencije o aktiviranju protivprovalnog alarma, otići na lice mjesta u što kraćem roku, a najkasnije u roku do 15 minuta prema članu 15. Pravilnika o izmjenama i dopunama pravilnika o tehničkim napravama, sredstvima i opremi koju se mogu koristiti za obavljanje poslova tehničke zaštite („Sl. Novine FBiH“, broj:70/09).

Ukoliko se na alarmnom sistemu uoči tehnička greška, oštećenje sistema zaštite ili je na šticeenom objektu prouzrokovano oštećenje koje se ne može odmah otkloniti, objekat će se zaštititi fizičkom zaštitom, do otklanjanja nedostataka.

Naručitelj usluga je saglasan da Davatelj usluga može postupiti u skladu sa Članom. 34, Pravilnika o vrsti tehničkih naprava, sredstava i opreme kojima se obavljaju poslovi tehničke zaštite, načinu njihove ugradnje i projektovanja („Sl. Novine FBiH“, broj: 70/09).

1.2 Redovan servis alarmnog sistema

Na osnovu člana 33. Pravilnika o tehničkim napravama, sredstvima i opremi kojima se obavljaju poslovi tehničke zaštite i načinu njihove ugradnje i projektovanja („Sl. Novine FBiH“, broj 70/09), Agencija će vršiti redovno servisiranje opreme jednom u toku godine.

Redovan servis podrazumijeva: kontrolu funkcionalnosti alarmnog sistema, čišćenje senzora, kontrola napona baterije i testiranje sistema.

Svi dodatni radovi i zamjena opreme nisu uključeni u redovni servis i naplaćuju se dodatno.

OPŠTE ODREDBE

Član 12.

12.1. Odvojivost: U slučaju da se bilo koja odredba ovog Ugovora smatra nevažećom, nezakonitom ili neprimjenljivom, to neće ni na koji način uticati na važnost, zakonitost i primjenjivost ostalih odredbi.

12.2. Zabrana odstupanja: Svako odstupanje od ovog Ugovora mora biti u pisanoj formi, potpisano od obje Ugovorne strane.

12.3. Prenos prava i obaveza: Nijedna ugovorna strana neće prenijeti bilo koja svoja prava ni obaveze iz Ugovora trećem licu bez prethodne pisane saglasnosti druge ugovorne strane. Izuzetak predstavljaju pridružena preduzeća, podružnice ili sljednici Naručitelja ili Davatelja usluga.

12.4. Komunikacija: Komunikacija između ugovornih strana po ovom Ugovoru se obavlja najprikladnijim sredstvima (preporučena pošta, kurirska služba, telefon /1303 ili telefoni kontakt osoba iz priloga A/, elektronska komunikacija / e-mail adrese kontakt osoba iz priloga A/).

12.5. Izmjene: Ovaj Ugovor može biti izmjenjen samo pisanim putem uz navođenje ovog Ugovora kao osnovnog, u dokumentu koji je potpisale obje Ugovorne strane.

12.6. Jezik: Osnovni jezik ovog Ugovora i buduće prepiske između Ugovornih strana biće bosanski ili srpski ili hrvatski. Sva korespondencija, obavještenja i druga komunikacija, svi nalozi, potraživanja, parnice i procesi biće pisani ili vođeni na bosanskom/srpskom/hrvatskom jeziku.

12.7. Dodatni troškovi: Ukoliko Naručitelj usluga zahtjeva dodatne usluge ili edukacije zaposlenika Davatelja usluga, koji iziskuju dodatne troškove za Davatelja usluga (dodatno osposobljavanje zaposlenika Davatelja, dodatna sredstva rada i sl.), dogovorit će se posebna cijena za te usluge te će se u skladu sa tim izvršiti promjena Priloga A ovog Ugovora.

12.8. Po prekidu ovog Ugovora, Davatelj se razrješava obaveze izvršenja bilo kakvih usluga definisanih Ugovorom i ima pravo na ulazak na mjesto na kome su pružane usluge, kako bi izuzeo svu opremu, materijale, softver i/ili dokumente koji pripadaju Davatelju usluga.

Član 13.

Naručitelj usluga se obavezuje da će sve dodatne usluge obezbjeđenja izvan dogovorenog obima, vremena i lokacije iz ovog ugovora, naručiti kod Davatelja usluga najmanje 24 sata prije početka izvođenja obezbjeđenja.

ZAKONSKA I SUDSKA NADLEŽNOST

Član 14.

14.1. Ovaj Ugovor je sačinjen u skladu sa zakonima Bosne i Hercegovine (Federacije Bosne i Hercegovine, Republike Srpske i Distrikta Brčko).

14.2. Za sporove između Ugovornih strana vezano za postojanje, izradu i izvršenje ovog Ugovora ili bilo koji spor u vezi sa poslovnim odnosima Ugovornih strana, a koje Ugovorne strane ne mogu da riješe mirnim putem, biće nadležan sud u Sarajevu.

Član 15.

Ovaj ugovor je sačinjen u 3 (tri) jednaka primjerka od kojih Naručitelj usluga zadržava 1 (jedan), a Davatelj usluga zadržava 2 (dva) primjerka ugovora.

Potpisano za i u ime:

NARUČITELJ USLUGA

prof. Avdija Serdarević, direktor

br. 2395/13

29. 11. 2013. J.

